



Լիախուլյա եմ, որ 2015թ. կապրենք մեր երազանքների հայրենիքում.

ԱՇՈՏ ԴԱՅՐԱՍԱՆՅԱՆ
ՀՀ Արմավիրի մարզպետ



Մենք երբեք չենք սահմանափակվում մեր ձեռքբերումներով եւ ձգտում ենք ավելիին՝ իրագործելու համակողմանի զարգացած մարզային տնտեսության մեր տեսլականը:

«Դե Ֆակտո» ամսագիրը, հաշվի առնելով ՀՀ Արմավիրի մարզպետ Աշոտ Դահրամանյանի արդյունավետ աշխատանքը, ներկայացնում է մարզպետի հետ ունեցած 2014թ. տարեվերջյան ամփոփիչ հարցազրույցը:

-Պարո՞ն Դահրամանյան, մոտեցավ ավարտին 2014թ., եթե ամփոփեք, ինչպիսի՞ն էր այն ՀՀ Արմավիրի մարզի համար:

-2014 թվականն Արմավիրի մարզի համար, ընդհանուր առմամբ, դրական տեղաշարժերի տարի էր: Թեպետ անցնող տարում մարզը լուրջ վնաս կրեց ցրտահարության հետևանքով, խնդիրներ ունեցավ ոռոգման ջրի սակավության հետ կապված, այդուհանդերձ, Հանրապետության նախագահի և կառավարության անմիջական աջակցությամբ մարզային իշխանությանը հաջողվեց ոչ միայն հաղթահարել նշված դժվարությունները, այլև նախորդ տարիների համեմատությամբ շուրջ 2900 հեկտարով ավելացնել մշակովի հողատարածքներն ու գյուղմթերքի արտադրության շուրջ 15 տոկոս աճ գրանցել:

Նշեմ, որ հաշվետու տարում մենք հաջողությամբ իրականացրել ենք մարզի զարգացման ծրագրի 2014 թվականի տարեկան աշխատանքային պլանով նախատեսված միջոցառումները, ինչու ոչ, նաև կյանքի ենք կոչել նախաձեռնություններ, որոնք եթե ոչ այսօր, ապա մոտ ապագայում իրենց դրական անդրադարձը կունենան մարզի զարգացման և բնակչության կենսամակարդակի բարելավման վրա:

Այս առումով կցանկանայի առանձնացնել հատկապես սեպտեմբեր ամսին Սարդարապատի հուշահամալիրում իրավիրված Արմավիրի մարզի գործարարների տնտեսական 2-րդ ֆորումը, որն իր շուրջն էր համախմբել տեղի և արտերկրի գործարարներին՝ նրանց մարզի զարգացման ծրագրերը ներկայացնելու և դրանց իրագործման շուրջ համագործակցելու նպատակով: Կարող եմ վստահորեն փաստել, որ այս համաժողովը լայն արձագանք գտավ մեր գործարարների շրջանում և առաջիկայում այն իր դրական պտուղները կտա:

Ինչևէ, հավատարիմ մնալով այս տարիների մեր որդեգրած սկզբունքին՝ մենք երբեք չենք սահմանափակվում մեր ձեռքբերումներով և ձգտում ենք ավելիին՝ իրագործելու համակողմանի զարգացած մարզային տնտեսության մեր տեսլականը:

-Ի՞նչ ծրագրեր են իրականացվել 2014թ. ընթացքում:
-Անցնող տարում մարզում շարունակվել են իրականացվել տարբեր ոլորտային ծրագրեր. պետական և մասնավոր հատվածի ներդրումների արդյունքում վե-



Տրտահարության հետևանքով միայն պտղի արտադրության աճ չենք ունեցել, իսկ մյուս բոլոր մշակաբույսերի մասով նախորդ տարվա համեմատությամբ աճը կազմել է 5-30 տոկոս:

րանորոգվել է 11 դպրոց, և 5-ն ապահովվել է լոկալ ջեռուցման համակարգով, 13 համայնքում, այդ թվում՝ Էջմիածին քաղաքում, բարելավվել են ջրամատակարարման և ջրահեռացման համակարգերը, հիմնանորոգվել է 6 կմ և ընթացիկ պահպանության է հանձնվել 201 կմ հանրապետական, միջպետական և մարզային նշանակության ավտոճանապարհ, մեծածավալ աշխատանքներ են իրականացվել ոռոգման համակարգի ենթակառուցվածքների վերազինման և վերականգնման ուղղությամբ:

Ինչպիսի՞ն էր 2014թ.՝ որպես գյուղատնտեսական տարի, ինչպիսի՞ն էր բերքատվության մակարդակը, մթերման գործընթացը:

Ինչպես արդեն նշեցի, անկախ այն դժվարություններից, որոնք մարզն ունեցավ անցնող գյուղատնտեսական տարվա ընթացքում, պետական աջակցության արդյունքում մեզ հաջողվեց ապահովել գյուղմթերքի և՛ արտադրության, և՛ մթերման ծավալների աճ:

Թվային արտահայտությամբ ասեմ, որ Արմավիրի մարզում 2014 թվականին մթերվել է 12 հազար 350 տոննա պտուղ-բանջարեղեն և 70 հազար 213 տոննա խաղող: Մթերումների ընդհանուր ծավալը կազմել է 82 հազար 563 տոննա, որը 28 տոկոսով գերազանցել է նախորդ տարվա ցուցանիշը:

Տրտահարության հետևանքով միայն պտղի արտադրության աճ չենք ունեցել, իսկ մյուս բոլոր մշակաբույսերի մասով նախորդ տարվա համեմատությամբ աճը կազմել է 5-30 տոկոս:

Հավելեմ, որ մթերման գործընթացն Արմավիրի մարզում իրականացվել է առանց խոչընդոտների, և միշտ գտնվել է իմ անմիջական հսկողության ներքո: Կարող եմ ասել, որ մեր գյուղացին բերքի իրացման լուրջ խնդիր չի ունեցել:

Ի՞նչ ձեռքբերումներ են արձանագրվել առողջապահության, կրթամշակութային ոլորտներում:

Առողջապահության ոլորտում որպես ձեռքբերում կցանկանայի առանձնացնել Համաշխարհային բանկի միջոցներով արդեն ավարտին մոտեցող «Մեծամորի բժշկական կենտրոն» ՓԲԸ-ի պոլիկլինիկայի վերանորոգման և Ակնալիճ համայնքի բուժամբուլատորիայի շենքի կառուցման աշխատանքները:

Կցանկանայի տեղեկացնել նաև, որ Հայաստանի Հանրապետության Արմավիրի մարզի և Չեխիայի Հանրապետության Մորավսկի-Սիլեզյան երկրամասի միջև 2014 թվականի հունվարի 31-ին Չեխիայում ստորագրված փոխըմբռնման հուշագրի շրջանակներում առողջապահության ոլորտում համագործակցության ընդլայնման նպատակով հոկտեմբեր ամսին իմ հրավերով Հայաստանում էր Չեխիայի Հանրապետության առողջապահության նախարարի խորհրդականի գլխավորած պատվիրակությունը, որի կազմում էին Արմավիրի բարեկամ-գործընկեր Մորավսկի-Սիլեզյան երկրամասի բժշկական հաստատությունների ղեկավարները: Պատվիրակության այցի շրջանակներում Արմավիրի բժշկական կենտրոնի և Օպավայում Սիլեզյան հիվանդանոցի միջև ստորագրվեց փոխգործակցության համաձայնագիր, որը ենթադրում է ախտորոշիչ կենտրոնի բացում, միջհիվանդանոցային կապերի հաստատում, ինչպես նաև հա-



մատեղ այլ ծրագրերի իրականացում: Վաղարշապատի հիվանդանոցի հետ և տարբեր ուղղություններով համագործակցության ծրագրեր առաջարկվեցին:

Իսկ ինչ վերաբերում է կրթամշակութային ձեռքբերումներին, նշեմ, որ մարզում նշված ոլորտների զարգացման նպատակով 2014 թվականին կազմակերպվել և իրականացվել են մի շարք ծրագրեր, միջոցառումներ, որոնք հնարավորություն են տվել ավելի ռացիոնալ օգտագործել մեր ունեցած ներուժը:

Ասեմ, որ մեզ մոտ ապահովվել է կրթական պետական ծրագրերի լիարժեք իրականացումը, մի շարք հանրակրթական դպրոցներում համալրվել է նյութատեխնիկական բազան, վերանորոգվել և կահավորվել են լաբորատորիաները, մարզադահլիճները, շախմատի և ռազմագիտության դասասենյակները:

Մարզի դպրոցականներն ակտիվ մասնակցություն են ունեցել տարբեր օլիմպիադաների, մրցույթների՝ զբաղեցնելով մրցանակային տեղեր:

Միայն մարզպետարանի մշակութային միջոցառումների տարեկան ծրագրով իրականացվել է 12 մեծամասշտաբ միջոցառում, ինչպես նաև աջակցություն է ցուցաբերվել Մշակույթի նախարարության և այլ կազմակերպությունների կողմից իրականացված մի շարք հանրապետական միջոցառումների: Ապահովվել է մարզի տաղանդավոր երգիչ-երգչուհիների, պարային համույթների, մշակույթի և արվեստի այլ ոլորտների ներկայացուցիչների մասնակցությունը մարզային, հանրապետական, միջազգային մրցույթներին, փառատոներին և միջոցառումներին, որտեղ նրանք ունեցել են բազմաթիվ հաջողություններ:

Հաշվետու տարում պետական բյուջեի միջոցներով ավարտվել են Այգեշատ համայնքի Թարգմանչաց եկեղեցու՝ ծրագրով նախատեսված վերականգնման աշխատանքները: Բարերարների միջոցներով ավարտվել են Արմավիր քաղաքի Սուրբ Գրիգոր Նարեկացի և Ջանֆիդա համայնքի Սուրբ Կարապետ եկեղեցիների կառուցման աշխատանքները, բարեկարգվել է Բամբակաշատ համայնքի Սուրբ Աստվածածին եկեղեցին և հարակից տարածքը: Նշեմ նաև, որ համայնքային միջոցներով Դոդսի, Փարաքարի, Թախրովի, Գեղակերտի, Տանձուտի համայնքային մշակույթի տներում կատարվել են վերանորոգման աշխատանքներ:

-Ի՞նչ ծրագրեր եք նախատեսում իրականացնել 2015թ. ընթացքում:

-Վստահեցնում եմ, որ 2015 թվականը մարզային իշխանության

2015 թվականը մարզային իշխանության համար լինելու է բուռն աշխատանքի տարի, աշխատանք, որից մենք երբեք չենք խուսափել, քանի որ զինված ենք մարզում կյանքն ավելի լավը դարձնելու վճռականությամբ:

համար լինելու է բուռն աշխատանքի տարի: Աշխատանք, որից մենք երբեք չենք խուսափել, քանի որ զինված ենք մարզում կյանքն ավելի լավը դարձնելու, համայնքների սոցիալ-կենցաղային նկարագիրը փոխելու և մարդկանց համար առավել արժանապատիվ կենսակերպ ապահովելու վճռականությամբ:

Գալիք տարում կշարունակվեն կրթական, մշակութային, սպորտային, առողջապահական հաստատությունների հիմնանորոգմանը և վերազինմանը, համայնքների գազաֆիկացմանը, ջրամատակարարման և ջրահեռացման համակարգերի վերանորոգմանը, էլեկտրամատակարարման հուսալիության բարձրացմանն ուղղված, ինչպես նաև ճանապարհաշինական և քաղաքաշինական մի շարք ծրագրեր:

Որակական նոր մակարդակի վրա կդրվի և կընդլայնվի փոխգործակցությունն արտերկրի մեր գործընկերների հետ, որի ուղղությամբ այսօր արդեն լուրջ քայլեր են ձեռնարկվել:

-Ի՞նչ ակնկալիքներ ունեք Նոր տարուց:

-Նոր տարին ինքնին ակնկալիքների տոն է: Թեև գիտակցական կյանքի ընթացքում Նոր տարվա ընկալումը փոխվում է, այնուամենայնիվ, կա մի բան, որը բնորոշ է բոլոր տարիքային խմբերին. հույսն է և հրաշքի սպասումը:

Եվ ես լիահույս եմ, որ գալիք 2015 թվականը մեր երկրի համար նոր առաջընթացի և հաջողությունների դռներ է բացելու, և ավելի քան մոտ է այն օրը, երբ մենք կապրենք մեր երազած իրականության պայմաններում և մեր երազանքների հայրենիքում:

-Ձեր ամանորյա շնորհավորանքը:

-Շնորհավորելով համայն հայությանը գալիք Ամանորի և Սուրբ ծննդյան տոների առթիվ՝ ցանկանում եմ, որ 2015 թվականը բոլորիս համար լինի խաղաղ արարման տարի և բերի նոր հաղթանակներ ու ավելացնի վստահությունը սեփական ուժերի հանդեպ: Թող խաղաղությունն ու համերաշխությունը, առողջությունն ու երջանկությունը գերիշխեն բոլոր օջախներում:

Հարցազրույցը՝ Սուսաննա Թամազյանի